



## O'ZBEKISTON RESPUBLIKASI VAZIRLAR MAHKAMASINING QARORI

20 21 yil « 22 » fevral

№ 89

Toshkent sh.

### “Қорақалпоқ-агро” эркин иқтисодий зонаси фаолиятини ташкил этиш чора-тадбирлари түғрисида

Қорақалпоғистон Республикасини комплекс ижтимоий-иктисодий ривожлантириш, ҳудудга замонавий технологиялар ва инвестицияларни фаол жалб этиш, шунингдек, янги ташкил этилган эркин иқтисодий зоналар фаолиятини қўллаб-куватлаш мақсадида Вазирлар Махкамаси қарор қиласди:

1. Ўзбекистон Республикаси Президентининг “2020-2023 йилларда Қорақалпоғистон Республикасини комплекс ижтимоий-иктисодий ривожлантириш чора-тадбирлари түғрисида” 2020 йил 11 ноябрдаги ПҚ-4889-сон қарорига мувофиқ:

Амударё, Бўзатов, Кегейли, Қонликўл, Қўнғирот, Мўйнок, Нукус, Тахиатош, Тўрткўл, Хўжайли, Шуманай ва Элликқалъа туманларида жами 875,4 га ер майдонида “Қорақалпоқ-агро” эркин иқтисодий зонаси (кейинги ўринларда – “Қорақалпоқ-агро” ЭИЗ) ташкил этилганлиги;

“Қорақалпоқ-агро” ЭИЗ фаолиятини бошқариш “Нукус” эркин иқтисодий зонаси дирекцияси давлат унитар корхонасига юклатилганлиги маълумот учун қабул қилинсин.

2. Қуйидагилар “Қорақалпоқ-агро” ЭИЗ фаолиятининг асосий вазифалари ва йўналишлари этиб белгилансин:

замонавий иссиқхона хўжаликларини, жумладан, гидропоника технологияларини қўллаган ҳолда, кластер усули асосида ташкил этиш учун тўғридан-тўғри хорижий ва маҳаллий инвестициялар жалб этиш, шунингдек, замонавий энергия тежовчи иссиқхоналар қуриш учун конструкциялар, жиҳозлар ва бошқа бутловчи буюмлар ишлаб чиқариши ташкил этиш;

ҳудуднинг ишлаб чиқариш салоҳиятидан самарали фойдаланган ҳолда қишлоқ хўжалиги маҳсулотлари ишлаб чиқаришни кўпайтириш, уларни чуқур қайта ишлашни кенгайтириш ва экспорт ҳажмини ошириш;

қишлоқ хўжалиги маҳсулотлари ишлаб чиқаришнинг уруғдан то маҳсулотни бозорга етказиб беришгача бўлган тўлиқ жараёнини ташкил этишни рафбатлантириш;

кўчатзорлар, шунингдек, бирламчи уруғчиликни ташкил этиш учун шароитлар яратиш орқали иссиқхона хўжаликларини бозор талаби катта, юқори ҳосилдорлик хусусиятига эга қишлоқ хўжалиги экинлари уруғ ва кўчатлари билан таъминлашнинг самарали механизмларини жорий этиш;

логистика хизматлари кўрсатишнинг замонавий инфратузилмасини шакллантириш, қишлоқ хўжалиги ишлаб чиқариш субъектларига улар томонидан этиширилган маҳсулотлар экспортини ташкил этишда кўмаклашиш;

иссиқхона хўжаликларини ташкил этишда замонавий ресурс тежовчи технологияларни, муқобил иссиқлик энергияси манбаларидан фойдаланишини кенг жорий этиш;

ишлаб чиқарилаётган маҳсулотларнинг халқаро стандартларга мувофиқлигини баҳолаш бўйича илмий-ишлаб чиқариш марказларини ташкил этиш.

3. Қорақалпоғистон Республикаси маҳсус иқтисодий зonasининг маъмурӣ кенгаши:

Қурилиш вазирлиги ҳамда Инвестициялар ва ташқи савдо вазирлиги билан биргаликда икки ой муддатда “Қорақалпоқ-агро” ЭИЗнинг бош режасини ишлаб чиқсин ва тасдиқласин;

Иқтисодий тараққиёт ва камбағалликни қисқартириш вазирлиги, Молия вазирлиги, Инвестициялар ва ташқи савдо вазирлиги, Ахборот технологиялари ва коммуникацияларини ривожлантириш вазирлиги, Транспорт вазирлиги хузуридаги Автомобиль йўллари қўмитаси, “Худудий электр тармоқлари” АЖ, “Худудгазтаминот” АЖ, “Ўзбекистон темир йўллари” АЖ билан биргаликда уч ой муддатда “Қорақалпоқ-агро” ЭИЗ худудида мухандислик-коммуникация ва йўл-транспорт инфратузилмасини ривожлантириш дастурини ишлаб чиқсин ва тасдиқлаш учун Вазирлар Маҳкамасига киритсин.

4. Қорақалпоғистон Республикаси Вазирлар Кенгаши Ўзбекистон Республикаси Инвестициялар ва ташқи савдо вазирлиги, Қишлоқ хўжалиги вазирлиги, Савдо-саноат палатаси ва тижорат банклари билан биргаликда “Қорақалпоқ-агро” ЭИЗ худудида:

икки ой муддатда гидропоника технологияларини қўллаган ҳолда иссиқхона хўжаликларини ҳамда замонавий энергия тежовчи иссиқхоналар қуриш учун конструкциялар, жихозлар ва бошқа бутловчи буюмлар ишлаб чиқариш обьектларини бўш турган қишлоқ хўжалигига мўлжалланмаган ер участкаларига жойлаштириш бўйича манзилли дастурни ишлаб чиқсин ва тасдиқласин;

ишлаб чиқарилиши ўзлаштириш учун таклиф қилинаётган импорт ўрнини босувчи ва экспортга йўналтирилган тайёр маҳсулотлар, материаллар ва бутловчи буюмлар турлари тўғрисидаги маълумотларнинг тадбиркорлик субъектларига мунтазам равишда етказилишини таъминласин;

лойиҳаларни амалга ошириш учун тадбиркорлик субъектларини жалб этиш, улар билан тизимли иш олиб бориш, шунингдек, “Қорақалпоқ-агро” ЭИЗ худудида тегишли ишлаб чиқариш объектларини жойлаштириш бўйича инвестиция буюртманомаларини ўз вақтида кўриб чиқсин;

амалга ошириладиган инвестиция лойиҳалари бизнес-режаларини ишлаб чиқишида тадбиркорлик субъектларига кўмаклашиш бўйича ташкилий-амалий чоралар кўрсинг.

5. Қорақалпоғистон Республикаси Вазирлар Кенгаши мазкур қарор ижроси бўйича амалга оширилган чора-тадбирлар самарадорлиги ва натижадорлиги тўғрисида ахборотни Вазирлар Маҳкамасига 2021 йил 15 июль ва 2022 йил 15 январга қадар киритсан.

6. Вазирлар Маҳкамасининг “Нукус” эркин иқтисодий зонаси фаолиятини ташкил этиш чора-тадбирлари тўғрисида” 2019 йил 22 ноябрдаги 941-сон қарорига иловага мувофиқ ўзгартиришлар киритилсан.

7. Мазкур қарорнинг бажарилишини назорат қилиш Ўзбекистон Республикаси Бош вазирининг инвестициялар ва ташқи иқтисодий алоқалар масалалари бўйича ўринbosари – инвестициялар ва ташқи савдо вазири С.У. Умурзаков ва Қорақалпоғистон Республикаси Вазирлар Кенгаши Раиси Қ.Р. Сарiev зиммасига юклансин.

Ўзбекистон Республикасининг  
Бош вазири



А. Арипов



Вазирлар Маҳкамасининг  
2021 йил ‘22’ февралдаги89 - сон қарорига  
илова

**Вазирлар Маҳкамасининг “Нукус” эркин иқтисодий зонаси  
фаолиятини ташкил этиш чора-тадбирлари түғрисида”  
2019 йил 22 ноябрдаги 941-сон қарорига киритилаётган  
ЎЗГАРТИРИШЛАР**

**1. 1-иловада:**

а) “5-ер участкаси” бўлими матни қўйидаги таҳрирда баён этилсин:  
“1-бошланғич нуқта Нукус шаҳридаги “Нукус ун заводи” корхонасидан  
жанубий томонидан 600 метр масофада, саноат зонаси худудида жойлашган.

1-нуқтадан чегара Нукус шаҳрининг саноат зонаси худуди бўйлаб  
жанубий йўналишда 1054 метр масофада 2-нуқтагача давом этади.

2-нуқтадан чегара Нукус шаҳрининг саноат зонаси худуди бўйлаб  
ғарбий йўналишда 792,6 метр масофада 3-нуқтагача давом этади.

3-нуқтадан чегара Нукус шаҳридаги “Нукус-полимер” корхонаси  
томонига шимолий йўналишда 430,5 метр масофада 4-нуқтагача давом этади.

4-нуқтадан чегара Нукус шаҳрининг саноат зонаси худуди бўйлаб  
ғарбий йўналишда 1219,2 метр масофада 5-нуқтагача давом этади.

5-нуқтадан чегара Нукус шаҳрининг саноат зонаси худуди бўйлаб  
ғарбий йўналишда 435,1 метр масофада 6-нуқтагача давом этади.

6-нуқтадан чегара Нукус шаҳрининг саноат зонаси худуди бўйлаб  
шарқий йўналишда 1200,1 метр масофада 7-нуқтагача давом этади.

7-нуқтадан чегара Нукус шаҳрининг саноат зонаси худуди бўйлаб  
шарқий йўналишда 307,5 метр масофада 1-нуқтагача давом этади”;

б) “9-ер участкаси” бўлими чиқариб ташлансин.

**2. 3-иловада:**

а) 10-банд қўйидаги таҳрирда баён этилсин:

“10. Дирекция фаолиятининг асосий мақсади “Нукус” эркин иқтисодий  
зонасини (кейинги ўринларда – “Нукус” ЭИЗ) ва “Қорақалпок-агро” эркин  
иқтисодий зонаси (кейинги ўринларда – “Қорақалпок-агро” ЭИЗ)  
ривожлантириш давлат дастурларининг тўлиқ ва ўз вақтида бажарилишини  
таъминлаш, шунингдек, “Нукус” ва “Қорақалпок-агро” ЭИЗлар худудида  
алоҳида ҳуқуқий режимга риоя этилишини таъминлаш йўли билан оператив  
бошқариш, “Нукус” ва “Қорақалпок-агро” ЭИЗлар қатнашчиларига  
хизматлар кўрсатишдан ҳамда ушбу Уставда назарда тутилган бошқа  
ишлиарни (хизматларни) бажаришдан (кўрсатишдан) фойда олиш  
ҳисобланади”;

б) 11, 15, 16, 20, 23, 25, 32-бандлардаги “Нукус” ЭИЗ” сўzlари “Нукус”  
ЭИЗ ва “Қорақалпок-агро” ЭИЗ” сўzlари билан алмаштирилсин.